

摘藻堂四庫全書薈要

經部

欽定四庫全書薈要卷一千一百七十二

經部

春秋左傳注疏卷五十六

起定公十年
盡十五年

晉杜氏注 唐陸德明音義 孔穎達疏

經十年春王三月及齊平注平前八年再侵齊之怨

夏公會齊侯于夾谷注平故音義

夾古洽反又古協反
二傳作頰谷古木反

公至自夾谷注無傳

晉趙鞅帥師圍衛

齊人來歸鄆謹龜陰田注三邑皆汶陽田也泰山博縣

北有龜山陰田在其北也會夾谷孔子相齊人服義而

歸魯田音義

鄆音運謹火官反疏注正義曰傳言孔丘

令反汶陽之田乃與之盟齊人為是歸此三邑知三邑皆汶陽田也土地名汶水出泰山萊蕪縣西南經濟北至東平瀆昌縣入濟則汶水發源東北而西南流也水北曰陽此三邑皆在汶水北近齊齊因陽虎出奔取為已有今服義而歸魯也僖元年公賜季友汶陽之田季氏世脩其德不應失其采邑則此汶陽之田當為季氏采地今復有此三邑者汶水之北皆名汶陽其地多矣蓋季氏私邑之外別有此田也龜山名也山北曰陰田在龜山北其邑即以龜陰為名故云三邑

叔孫州仇仲孫何忌帥師圍郕注郕叔孫氏邑音義

郕音

后字林
下溝反

秋叔孫州仇仲孫何忌帥師圍郕

宋樂大心出奔曹注傳在前年春書名罪其稱疾不適
晉宋公子地出奔陳注貪弄馬以距君命書名罪之也

音義

弄魯
貢反

冬齊侯衛侯鄭游速會于安甫注無傳安甫地闕
叔孫州仇如齊

宋公之弟辰暨仲佗石彊出奔陳注暨與也宋公寵向

魑不聽辰請辰忿而將大臣出奔虛請自忿稱弟示首惡也仲佗石彊皆為國卿不能匡君靜難而為辰所牽

帥出奔稱名亦罪之也音義

暨其器反佗徒何反彊苦侯反魑大回反難乃旦反

疏

注正義曰暨與也釋詁文凡大夫出奔書名皆是罪惡故杜迹其為罪之狀解其書名之由地既出奔辰

為之請請而不許是虛其請也公唯不許而已未嘗責其妄請不被迫逐自忿出奔是辰之罪也釋例曰宋辰率羣卿以背宗國披大邑以成叛逆故以首惡稱弟是言稱弟示首惡也杜知是首惡者以其特云宋公之弟辰暨仲佗石彊是辰牽率仲佗石彊故云首惡也若不為首惡當如昭二十二年宋華亥向寧華定出奔楚不須暨字以間之

傳十年春及齊平。○夏公會齊侯于祝其，實夾谷。注

夾谷，即祝其也。孔丘相注，相會儀也。音義

相息亮反注同

犁

彌言於齊侯曰：「孔丘知禮而無勇，若使萊人以兵劫

魯侯，必得志焉。」注：萊人，齊所滅萊夷也。音義

劫居業反

疏

注正義曰：襄六年，齊侯滅萊。萊，東萊黃縣是也。地在東邊，去京師大遠。孔丘謂之裔夷之俘，言是遠夷囚俘，知是滅萊所獲此人，是其遺種也。齊不自使齊人而令萊人劫魯侯者，若使齊人執兵，則魯亦陳兵當之。無由得劫公矣。使此萊夷望魯人不覺出其不意，得伺間執之。

齊侯從之。孔丘以

公退曰：「士兵之注以兵擊萊人，兩君合好而裔夷之

俘以兵亂之注裔遠也音義

好呼報反下同裔以制反俘芳夫反

非齊

君所以命諸侯也裔不謀夏夷不亂華俘不干盟兵

不偏好於神為不祥注盟將告神犯之為不善音義

夏戶雅反疏

正義曰夏大也中國有禮儀之大故稱夏有服章之美謂之華華夏一也萊是

偏彼力反

東夷其地又遠裔不謀夏言諸夏近而萊地遠夷不亂華言萊是夷而魯是華二句其旨大同各令文相

對於德為愆義於人為失禮君必不然齊侯聞之遽

辟之注辟去萊兵也音義

愆去連反遽其據反辟婢亦反又音避注同去起呂

反將盟齊人加於載書曰齊師出竟而不以甲車三

百乘從我者有如此盟注如此盟詛之禍音義

竟音境乘

繩證反詛側據反

孔丘使茲無還揖對曰注無還魯大夫音

義

還音旋

而不反我汶陽之田吾以共命者亦如之注

須齊歸汶陽田乃當共齊命於是孔子以公退賤者

終其事要盟不潔故畧不書音義

共音恭注同要一遙反

疏

注正

義曰齊魯既平當兩相從意齊人既令魯以三百乘從魯不可即拒故須齊歸汶陽之田乃當共齊三百乘之命則得汶陽之田足當三百乘也賈逵云不書盟諱以三百乘從齊師其意以宣七年盟于黑壤而不書經傳言晉侯之立也公不朝又不使大夫聘晉人止公于會公不與盟不書盟諱之也緣彼有諱謂

此亦諱案此會孔丘相反汶陽之田以共齊命孔丘意也得其三邑而以三百乘從之為相當矣於魯不為負何以諱其盟即以三邑田少不足以當三百乘孔丘不應唯令反此而已今令反此共命必其足以相當何以諱其從齊也若三百乘從齊必是可諱孔丘為相義不能拒則孔丘為有罪矣何貴乎聖人也故杜以為於是孔子以公退賤者終其事要盟不潔故畧不書釋例曰夾谷之會齊侯劫公孔丘以義叱之以兵威之將盟又使茲無還責侵田拒齊之享屈強國正典儀此聖人之大司也徒以二君雖會而兵刃相要二國微臣共終盟事故賤而不書非所諱也舊說同於黑壤之辱為負仲尼也

齊侯將

享公孔丘謂梁丘據曰齊魯之故吾子何不聞焉注故舊典事既成矣注會事成而又享之是勤執事也

且犧象不出門嘉樂不野合注犧象酒器犧尊象尊

也嘉樂鐘磬也音義

犧許宜反又息倚反注同

疏

注正義曰周禮司尊彝云春祠

夏禴禴用雞彝鳥彝其朝踐用兩獻尊其再獻用兩象尊鄭衆云獻讀為犧犧尊飾以翡翠象尊以象鳳凰阮謏三禮圖犧尊畫牛以飾象尊畫象以飾當尊腹上畫牛象之形王肅以為犧尊象尊為牛象之形背上負尊魏太和中青州掘得齊大夫子尾送女器為牛形而背上負尊古器或當然也周禮大司樂云雲門之舞冬至日於地上之圜丘奏之若樂六變則天神皆降可得而禮矣咸池之舞夏日至於澤中之方丘奏之若樂八變則地祇皆出可得而禮矣圜丘方丘皆是野澤二者並是大祭必當備設尊俎而云嘉樂不野合犧象不出門者彼是禮之大者自可依禮而行尊得出門樂得野合此言不出門不野合者

謂享燕正禮當設於宮內不得違禮而行妄作於野耳非謂祭祀之大禮也諸侯相見之禮享在廟燕在寢不得行於野僖二十八年晉侯朝王于踐土王享醴命之宥襄十年宋公享晉侯于楚丘請以桑林十年公享晉六卿于蒲圃二十七年鄭伯享趙孟于垂隴如此之類春秋多矣或特賞殊功或畏敬大國皆權時之事非正禮也此時齊魯敵國釋怨和平未有殊異之歡無假非常之事孔子知齊懷詐慮其掩襲託正禮以拒

之故言不野合饗而既具是棄禮也若其不具用秕

稗也注秕穀不成者稗草之似穀者言享不具禮穢

薄若秕稗音義

秕音鄙字林音比又必履反稗皮賣反

用秕稗君辱棄

禮名惡子盍圖之夫享所以昭德也不昭不如其已

也乃不果享注孔子知齊侯懷詐故以禮距之音義

盍戶臘反下同

齊人來歸鄆謹龜陰之田注陽虎九年以此

奔齊經文倒者次魯事疏

注正義曰八年陽虎入于謹陽闕以叛九年伐陽闕

陽虎奔齊其時虎以謹去鄆與龜陰亦從之皆為齊所取至今始歸之歸田之經在趙鞅圍衛之後與傳文倒者傳次魯事進此歸田於上今與盟事相接故也

○晉趙鞅圍衛報夷儀

也注前年齊為衛伐晉夷儀故伐衛以為報音義

為衛

于偽反初衛侯伐邯鄲午於寒氏注邯鄲廣平縣也午

晉邯鄲大夫寒氏即五氏也前年衛人助齊伐五氏

音義

邯音寒
鄆音丹

城其西北而守之宵燿注午衆宵散音

義

城其西北而守之一本或作城其西北隅燿子潛反

疏

正義曰築城於其西北之地而守之也本

或北下有隅昭二十五年傳陷西北隅以入又云登西北隅以望涉彼而誤耳今定本有隅誤

及晉

圍衛午以徒七十人門於衛西門殺人於門中曰請

報寒氏之役注衛開門與午鬪涉佗曰夫子則勇矣

然我往必不敢啟門亦以徒七十人旦門焉步左右

皆至而立如植注至其門下步行門左右然後立待

如立木不動以示整音義

佗徒何反植市力反一音直

疏

正義曰涉佗以

徒七十人旦往門焉涉佗先至步行門日中不啟門
之左右然後其徒皆至而立如植木然

乃退反役晉人討衛之叛故曰由涉佗成何注按衛

侯手故於是執涉佗以求成於衛衛人不許晉人遂

殺涉佗成何奔燕君子曰此之謂棄禮必不鈞注言

必見殺不得與人等詩曰人而無禮胡不遄死涉佗

亦遄矣哉注詩鄘風遄速也音義遄市專反○初叔孫成

子欲立武叔公若藐固諫曰不可注藐叔孫氏之族

音義藐音邈又亡小反成子立之而卒公南使賊射之不能

殺注公南叔孫家臣武叔之黨音義

射食亦反下及注同

公南

為馬正使公若為郈宰武叔既定使郈馬正侯犯殺

公若弗能其圉人曰注武叔之圉人吾以劍過朝公

若必曰誰之劍也吾稱子以告必觀之吾偽固而授

之末則可殺也注偽為固陋不知禮者以劍鋒末授

之音義

鋒芳疏逢反

注正義曰少儀說以器物授人之禮云刀卻刃授穎削授拊凡有刺刃者

以授人則辟刃鄭玄云穎鏐也拊謂把辟刃不以正鄉人也是禮授刀劍當以鋒刃自鄉而授其鏐今圉

人偽為固陋不知禮者以劍鋒末授之欲因推而殺之

使如之疏

正義曰言使為如此之計

而欲殺之

公若曰爾欲吳王我乎注見劍向已逆呵之縛

諸殺吳王亦用劍刺之音義

向許亮反亦作嚮呵呼多反刺七亦反

遂

殺公若侯犯以郈叛注犯以不能副武叔之命故叛

叛而以圍告廟故書圍疏

注正義曰昭十三年南蒯以費叛注云不書不告廟

八年陽虎叛注云叛不書畧家臣此侯犯以郈叛不書者亦為不告廟畧家臣也不書叛而書圍興動大衆以圍告廟故書圍也然則九年伐陽闕討陽虎亦應書而不書者蓋師少不告廟故不書

武叔

懿子圍郈弗克秋二子及齊師復圍郈弗克叔孫謂

郈工師駟赤注工師掌工匠之官音義

復扶又反

曰郈非

唯叔孫氏之憂社稷之患也將若之何對曰臣之業

在揚水卒章之四言矣注揚水詩唐風卒章四言曰

我聞有命音義

在揚水卒章本或作揚之水卒章

疏

注正義曰唐詩揚之水刺晉昭

公也昭公分國以封沃沃彊盛昭公微弱國人將叛而歸沃焉其三章云揚之水白石粼粼我聞有命不敢以告人注云聞曲沃有善政命不敢以告人鄭箋云不敢以告人而去者畏昭公謂已動民心

叔

孫稽首注謝其受已命駟赤謂侯犯曰居齊魯之際

而無事必不可矣注無所服事子盍求事於齊以臨

民不然將叛侯犯從之齊使至駟赤與郈人為之宣

言於郈中注詐為齊使言也音義

使所吏反注同為之于偽反下注為

齊同

曰侯犯將以郈易于齊齊人將遷郈民注謂易其

民人衆兇懼注不欲遷音義

兇音凶一音凶勇反

駟赤謂侯犯

曰衆言異矣注不與始同子不如易於齊與其死也

猶是郈也而得紓焉何必此注言以郈民易取齊人

與郈無異勝於守郈為叛人所殺音義

紓舒音

齊人欲

以此偪魯必倍與子地注言非徒得民又將得齊地

音義

偪彼力反倍步罪反

且盍多舍甲於子之門以備不虞侯

犯曰諾乃多舍甲焉侯犯請易於齊齊有司觀郈將
至駟赤使周走呼曰齊師至矣郈人大駭介侯犯之
門甲以圍侯犯駟赤將射之注偽為侯犯射郈人音
義呼火故反侯犯止之曰謀免我侯犯請行許之注

介音界

郈人許之駟赤先如宿注宿東平無鹽縣故宿國侯

犯殿每出一門郈人閉之注閉其後門音義殿丁反及

郭門止之曰子以叔孫氏之甲出有司若誅之注誅
責也羣臣懼死駟赤曰叔孫氏之甲有物吾未敢以

出注物識也赤還救侯犯也音義

識申志反又如字

犯謂駟

赤曰子止而與之數注數甲以相付音義

數色主反注同

駟

赤止而納魯人侯犯奔齊齊人乃致邠注致其名簿

也為下武叔如齊傳音義

簿步古反

○宋公子地嬖遽富

獵注地宋景公弟辰之兄也音義

嬖必計反遽其居反獵力輒反

十

一分其室而以其五與之注與富獵也公子地有白

馬四公嬖向魑魑欲之注向魑司馬桓魑也公取而

朱其尾鬣以與之注與魑也音義

鬣力輒反爾雅舍人注云馬駿也駿

矛工疏

正義曰爾雅舍人注云鬣懸也

地怒使其徒扶魑而奪之魑

懼將走公閉門而泣之目盡腫母弟辰曰子分室以

與獵也而獨卑魑亦有頗焉子為君禮注禮辟君也

音義

扶敕乙反腫章勇反頗普多反

不過出竟君必止子公子地出

奔陳公弗止辰為之請弗聽辰曰是我迂吾兄也注

迂欺也音義

竟音境辰為子偽反下猶為同迂求往反又古況反

吾以國人出

君誰與處冬母弟辰暨仲佗石彊出奔陳注佗仲幾

子彊褚師段子皆宋卿衆之所望故言國人音義

褚張

呂○武叔聘于齊注謝致郈也經書辰奔在聘後者

從告齊侯享之曰子叔孫若使郈在君之他竟寡人

何知焉屬與敝邑際故敢助君憂之注以致郈德叔

孫音義

屬音燭

對曰非寡君之望也所以事君封疆社

稷是以注以猶為也音義

疆居良反

敢以家隸勤君之執

事夫不令之臣天下之所惡也君豈以為寡君賜注

言義在討惡非所以賜寡君音義

惡烏路反十一年傳注皆同一音如

字

經十有一年春宋公之弟辰及仲佗石彊公子地自陳

入于蕭以叛注蕭宋邑稱地例在前年疏

注正義曰莊十二年宋萬

弑閔公蕭叔大心者宋蕭邑大夫也平宋亂立桓公宋人嘉之以蕭邑封叔為附庸宣十二年楚子滅之復為

宋邑故辰等今

入之以叛也

夏四月

秋宋樂大心自曹入于蕭注入蕭從叛人叛可知故不

書叛

冬及鄭平注平六年侵鄭取匡之怨叔還如鄭泣盟注

還叔詣曾孫音義

還音旋還叔詣曾孫案世族譜叔還是叔弓曾孫此云叔詣誤也

疏

注正義曰世族譜云叔還叔弓曾孫也又世本云叔弓生定伯闕閔生西巷敬叔叔叔生成子還還為叔弓曾孫杜云叔詣曾孫傳寫誤耳

傳十一年春宋公母弟辰暨仲佗石彊公子地入于

蕭以叛秋樂大心從之大為宋患寵向魋故也注惡

宋公寵不義以致國患○冬及鄭平始叛晉也注魯

自僖公以來世服於晉至今而叛故曰始

經十有二年春薛伯定卒注無傳四年盟臯鼫疏

注正義曰

定以昭三十二年即位其年大夫盟于狄泉以未告公而公薨經無明文故不數

夏葬薛襄公注無傳

叔孫州仇帥師墮郈注墮毀也患其險固故毀壞其城

音義

墮許規反注及下傳同壞音怪又戶怪反

疏

注正義曰昭十三年南蒯以費叛連年伐而不克十

年侯犯以郈叛一年再圍而不克良由其城險固家臣數以背叛仲由為季氏宰進計季孫防其後患令墮三都以是故毀壞其城慮其拒之故帥師而往公羊傳曰孔子行乎季孫三月不違曰家無藏甲邑無百雉之城於是帥師墮郈帥師墮費左氏不言孔子之計當是仲由自立此謀但傳稱費人襲魯而仲尼在焉是仲尼知其事謂墮之為是故不禁也釋例曰三都彊盛以奪三家之權陪臣執政下陵上替故仲由墮之而仲尼不禁

帥師登臺僅不皆克直隨事而書以示三家之彊無義例也

衛公孟彊帥師伐曹注彊孟繫子音義

彊苦侯反 孟陟立反 義正

曰世族譜云孟繫無子靈公以其子彊為之後也為後則為其子故云孟繫子此實公孫而不稱公孫者繫字公孟故即以公孟為氏劉炫謂公孟生得賜族故彊即以族告

季孫斯仲孫何忌帥師墮費音義

費音 祕

秋大雩注無傳書過音義

雩音 于

冬十月癸亥公會齊侯盟于黃注無傳結叛晉

十有一月丙寅朔日有食之注無傳

公至自黃注無傳

十有二月公圍成公至自圍成注無傳國內而書至者

成彊若列國興動大衆故出入皆告廟疏注正義曰成魯邑國內用

兵計不應書而出入皆書者為興動大衆皆告廟也釋例曰陪臣執命大都耦國仲由建墮三都之計而成人

不從故公親圍之雖不越竟動衆興兵大其事故出入皆告於廟

傳十二年夏衛公孟彊伐曹克郊注郊曹邑還滑羅

殿注羅衛大夫音義滑于八反殿丁見反下同未出不退於列注

未出曹竟羅不退在行列之後音義竟音境行戶郎反其御

曰殿而在列其為無勇乎羅曰與其素厲寧為無勇

注素空也厲猛也言伐小國當如畏者以誘致之疏正義曰羅以曹國小弱不敢來追衛師而在後為殿是空設嚴猛等與其空為嚴猛寧為無勇示弱誘之使曹人不憚○仲由為季氏宰注仲由子路將墮三以為後圖

都注三都費邠成也彊盛將為國害故仲由欲毀之於是叔孫氏墮邠季氏將墮費公山不狃叔孫輒帥費人以襲魯注不狃費宰也輒不得志於叔孫氏公與三子入于季氏之宮登武子之臺費人攻之弗克

入及公側注至臺下仲尼命申句湏樂頎下伐之注

二子魯大夫仲尼時為司寇音義

句音劬疏注正義頎音祈曰史記

孔子世家云定公以孔子為中都宰一年四方皆則之由中都宰為司空由司空為大司寇十年會于夾谷時已為司寇矣十四年孔子由大司寇攝行相事是此時仲尼為司寇費人北國人追

之敗諸姑蔑二子奔齊注二子不狃叔孫輒遂墮費

將墮成公斂處父謂孟孫墮成齊人必至于北門注

成在魯北竟故且成孟氏之保障也無成是無孟氏

也子偽不知注佯不知音義

障之尚反又音章子偽不知並如字一本偽作

為佯本亦作陽音同

我將不墮冬十二月公園成弗克

經十有三年春齊侯衛侯次于垂葭注二君將使師伐

晉次垂葭以為之援音義

葭音加

夏築蛇淵囿注無傳書不時也音義

又囿音

大蒐于比蒲注無傳夏蒐非時音義

蒐所求反比音毘

衛公孟彊帥師伐曹注無傳

秋晉趙鞅入于晉陽以叛注書叛惡可知

冬晉荀寅士吉射入于朝歌以叛注吉射士鞅子音義

射食亦反又食
夜反朝如字
晉趙鞅歸于晉注韓魏請而復之故曰

歸言韓魏之強猶列國疏

注正義曰成十八年傳例曰凡去其國諸侯納之曰歸此

傳稱韓魏以趙氏為請故趙鞅得稱歸韓魏非諸侯亦從諸侯納之例者韓魏之彊猶列國也釋例曰韓魏有耦國之彊陳蔡有復國之端故晉趙鞅楚公子比皆稱歸從諸侯納之例言非晉楚之所能制也

薛弒其君比注無傳稱君無道

傳十三年春齊侯衛侯次于垂葭實邶氏注垂葭改

名邶氏高平鉅野縣西南有邶亭音義

邶古反疏注正義曰

釋例曰經書所改之名則傳以實明之許遷于夷實城父齊侯衛侯次于垂葭實邶氏之比是也則是先

名郟氏後名垂葭而此云垂葭改名郟氏者杜意以
為垂葭是新改之名本是郟氏也故以結之與釋例
不違劉炫以杜注自違釋例以為地無新舊之異止
是一地二名若如劉言案許遷于夷實城父經書夷
齊侯衛侯次于垂葭實郟氏經書垂葭許遷于折實
白羽以此準之經應書折不應書白羽公會齊侯于
祝其實夾谷經應書祝其不應書夾谷杜以文同事
異故以新舊明之劉不細尋經傳以規杜過非也

使師伐晉將濟河諸大夫皆曰不可郟意茲曰可注

意茲齊大夫音義

郟彼命反又音丙

銳師伐河內注今河內

汲郡傳必數日而後及絳注傳告晉音義

傳直戀反又直專反

注同數所主反

絳不三月不能出河則我既濟水矣乃伐河

內齊侯皆斂諸大夫之軒唯邴意茲乘軒注以其言

當音義

當丁良反

齊侯欲與衛侯乘注共載音義

乘繩證反下同

與之宴而駕乘廣載甲焉使告曰晉師至矣齊侯曰

比君之駕也寡人請攝注以已車攝代衛車音義

廣古

曠反必利反

乃介而與之乘驅之或告曰無晉師乃止注

傳言齊侯輕所以不能成功音義

介音界輕遣政反

疏

正義曰齊

侯輕脫欲得與衛侯同乘先與之宴飲而先駕乘廣於門外豫於廣車之上而載甲焉飲未終而使人告曰晉師至矣齊侯謂衛侯曰比及君之駕至以來君既未有兵車寡人請以已車攝代衛車與君同乘齊

侯乃著甲而與衛侯共乘驅之而行或告無晉
師乃止傳載此者言齊侯之輕所以不能成功 ○晉

趙鞅謂邯鄲午曰歸我衛貢五百家吾舍諸晉陽午

許諾注十年趙鞅圍衛衛人懼貢五百家鞅置之邯

鄲今欲徙置晉陽晉陽趙鞅邑音義著丁路反歸告其父

兄父兄皆曰不可衛是以為邯鄲注言衛以五百家

在邯鄲常為是故與邯鄲親音義為于偽及注而寘

同一音如字

諸晉陽絕衛之道也不如侵齊而謀之注侵齊則齊

當來報欲因懼齊而徙則衛與邯鄲好不絕音義寘

鼓反好
呼報反

乃如之而歸于晉陽注欲如是謀而後歸衛

貢趙孟怒召午而囚諸晉陽注趙鞅不察其謀謂午

不用命故囚之使其從者說劍而入涉賓不可注涉

賓午家臣不肯說劍入欲謀叛音義

從才用反說
他活反注同

乃

使告邯鄲人曰吾私有討於午也二三子唯所欲立

注午趙鞅同族別封邯鄲故使邯鄲人更立午宗親

疏

注正義曰世族譜趙哀趙風之弟也哀生盾盾生
朔朔生武武生成成生鞅其家為趙氏風孫穿穿

生旃旃生勝勝生午其家為耿氏計哀至鞅風至午
皆六代今俗所謂五從兄弟是同族也別封邯鄲世

不絕祀故使邯鄲人更立午之宗親遂殺午趙稷涉賓以邯鄲叛注稷

趙午子夏六月上軍司馬籍秦圍邯鄲邯鄲午荀寅

之甥也荀寅范吉射之姻也注壻父曰姻荀寅子娶

吉射女疏注正義曰釋親云女子子之夫為壻壻之父為姻知荀寅子娶吉射女也而相

與睦故不與圍邯鄲將作亂注作亂攻趙鞅音義不與

音預又董安于聞之注安于趙氏臣疏正義曰史記如字董安于聞之正義曰史記云安于性緩

常佩弦以自急者即此是也告趙孟曰先備諸趙孟曰晉國有命

始禍者死為後可也安于曰與其害於民寧我獨死

注懼見攻必傷害民請以我說趙孟不可注晉國若討可殺我以自解說秋七月范氏中行氏伐趙氏之

宮趙鞅奔晉陽晉人圍之范臯夷無寵於范吉射而

欲為亂於范氏注臯夷范氏側室子音義行戶郎反梁嬰

父嬖於知文子注文子荀躒音義知音文子欲以為

卿疏正義曰既欲以為卿則當去范中行二氏乃始得立言此者明文子欲為亂以去之韓簡

子與中行文子相惡注簡子韓起孫不信也中行文

子荀寅也音義惡如字又烏路反下同魏襄子亦與范昭子相

惡注襄子魏舒孫曼多也昭子士吉射音義

曼音萬

故

五子謀注五子范臯夷梁嬰父知文子韓簡子魏襄

子將逐荀寅而以梁嬰父代之逐范吉射而以范臯

夷代之荀躒言於晉侯曰君命大臣始禍者死載書

在河注為盟書沈之河音義

躒力狄反沈如字又音鳩

今三臣始

禍而獨逐鞅刑已不鈞矣請皆逐之冬十一月荀躒

韓不信魏曼多奉公以伐范氏中行氏弗克二子將

伐公齊高彊曰三折肱知為良醫注高彊齊子尾之

子昭十年奔魯遂適晉音義

三如字又息暫反折之設反肱古弘反

唯

伐君為不可民弗與也我以伐君在此矣三家未睦

注三家知韓魏可盡克也克之君將誰與若先伐君

是使睦也弗聽遂伐公國人助公二子敗從而伐之

丁未荀寅士吉射奔朝歌韓魏以趙氏為請注經所

以書趙鞅歸十二月辛未趙鞅入于絳盟于公宮注

傳錄晉哀亂○初衛公叔文子朝而請享靈公注欲

令公臨其家音義

令力呈反

退見史鮒而告之注史鮒史

魚音義

鮪音秋

史鮪曰子必禍矣子富而君貪其及子

乎文子曰然吾不先告子是吾罪也君既許我矣其

若之何史鮪曰無害子臣可以免注言能執臣禮富

而能臣必免於難上下同之注言尊卑皆然音義

乃難

旦反下注同

戍也驕其亡乎注戍文子之子富而不驕者

鮮吾唯子之見驕而不亡者未之有也戍必與焉注

與禍難音義

鮮息淺反與音預注同

及文子卒衛侯始惡於公

叔戍以其富也公叔戍又將去夫人之黨注靈公夫

人南子黨宋朝之徒音義

惡烏路反去起呂反朝如字

疏

注正義曰傳於

明年始云衛侯為夫人南子召宋朝此年言夫人之黨杜已云宋朝之徒者靈公之召宋朝又在前矣明年為宋人歌而發端非明年始召之夫人愬之曰戌將為亂注為明年

戌來奔傳音義

愬音素

經十有四年春衛公叔戌來奔衛趙陽出奔宋注陽趙

厲孫書名者親富不親仁音義

厲於減反疏

注正義曰案世本懿子兼生昭

子舉舉生趙陽兼即厲也

二月辛巳楚公子結陳公孫佗人帥師滅頓以頓子牂

歸音義

佗吐何反又徒何反詳子郎反

夏衛北宮結來奔注亦黨公叔成皆惡之音義

惡烏路反

五月於越敗吳于檇李注於越越國也使罪人詐吳亂

陳故從未陳之例書敗也檇李吳郡嘉興縣南醉李城

音義

檇音醉依說文從木陳直覲反下同

疏

注正義曰於越即越也夷言發聲謂之於越彼從俗而名

之也傳稱陳于檇李則是皆陳而從未陳之例云敗吳者越使罪人詐吳亂吳之陳使不得用力故從未陳之例書敗也釋例云長勺之役雖俱陳而鼓音不齊檇李之役勾踐患吳之整以死士亂吳雖皆已陳猶以從未

陳例者其

權詐也

吳子光卒注未同盟而赴以名

公會齊侯衛侯于牽注魏郡黎陽縣東北有牽城音義

黎力兮反公至自會注無傳

秋齊侯宋公會于洮注洮曹地音義洮吐刀反

天王使石尚來歸賑注無傳石尚天子之士石氏尚名

賑祭社之肉盛以蜃器以賜同姓諸侯親兄弟之國與

之共福音義賑市軫反盛音成疏注正義曰杜以天子上士中士俱稱名氏石尚必是士矣

但不知為是上士為是中士故注直云士耳必非下士釋例曰王之公卿皆書爵大夫書字元士中士稱名劉

夏石尚是也下士稱人公會王人于洮是也杜知然者
周禮典命云王之三公八命其卿六命大夫四命大夫
既四命則士三命也故鄭玄云王之上士三命中士再
命下士一命曲禮云列國之大夫八天子之國曰某士
得不以命數當天子之士故稱士也襄二十六年晉韓
起聘于周自稱白晉士起是諸侯之卿與天子之士命
數同也以諸侯之卿三命再命皆書名氏大夫一命則
稱人知天子上士中士稱名氏下士則稱人也成十三
年傳曰國之大事在祀與戎祀有執膳戎有受脰先儒
及杜緣彼傳文知是定例故解此云祭社之內盛以蜃
器以賜同姓諸侯周禮大宗伯云以膳脰之禮親兄弟
之國大行人云歸脰以交諸侯之福是以祭肉賜諸侯
與之共福也

衛世子蒯聵出奔宋音義
蒯苦怪反
聵五怪反

衛公孟彊出奔鄭注彊書名與蒯瞶黨罪之

宋公之弟辰自蕭來奔注無傳稱宋公之弟例在十年

大蒐于比蒲音義

比音

邾子來會公注無傳會公于比蒲來而不用朝禮故曰

會疏

注正義曰莊二十三年公及齊侯遇于穀蕭叔朝公就遇處行朝禮故曰朝此就蒐處行會禮而不

用朝禮故曰會也言不用朝禮辨其與蕭叔文異

城莒父及霄注無傳公叛晉助范氏故懼而城二邑也

此年無冬史闕文音義

父音疏

注正義曰城邑之由傳無其說以傳稱公會齊

侯衛侯謀救范中行氏知為叛晉之故懼而城此二邑也無冬闕文自是常事特辯此者說公羊者以此城在冬故去冬字何休云是歲孔子由大司寇攝相事齊人饋女樂孔子去言去冬者貶之也或說無冬者坐受女樂令聖人去冬陰臣之象言去冬見無臣也杜以此為妄說且明城實在秋是非時而城故特辯冬闕

傳十四年春衛侯逐公叔成與其黨故趙陽奔宋成

來奔注終史魚之言○梁嬰父惡董安于謂知文子

曰不殺安于使終為政於趙氏趙氏必得晉國盍以其先發難也討於趙氏文子使告於趙孟曰范中行氏雖信為亂安于則發之是安于與謀亂也晉國有

命始禍者死二子既伏其罪矣敢以告注告使討安

于音義

惡烏路反知文音智蓋戶臘反難乃旦反與音預

趙孟患之安于曰

我死而晉國寧趙氏定將焉用生人誰不死吾死莫

矣乃縊而死音義

馬於虔反莫音暮縊一四反

疏

正義曰安于請趙孟先備趙孟

不從其言則安于其無罪矣但安于之謀國人聞之梁嬰父忌其知謀恐趙氏彊盛假此事而罪之趙鞅

叛而得還不敢違

命故安于自縊死趙孟尸諸市而告於知氏曰主命

戮罪人安于既伏其罪矣敢以告知伯從趙孟盟注

知伯荀躒而後趙氏定祀安于於廟注趙氏廟疏

正義

曰禮臣有大功配食於廟周禮司勳云凡有功名者
銘書於王之大常祭于大烝司勳詔之尚書盤庚告
其卿大夫云茲予大亨于先王爾祖其從與享之孔
安國云古者天子錄功臣配食於廟大亨烝嘗也天
子既有此禮諸侯或亦有之今趙氏
祀安于於趙氏之廟其意亦如此也 ○ 頓子牂欲事

晉背楚而絕陳好二月楚滅頓注傳言小不事大所

以亡音義

背音佩好
呼報反

○ 夏衛北宮結來奔公叔戌之

故也○ 吳伐越注報五年越入吳越子句踐禦之陳

于檇李注句踐越王允常子音義

句古侯反
陳直觀反

句踐患

吳之整也使死士再禽焉不動注使敢死之士往輒

為吳所禽欲使吳師亂取之而吳不動使罪人三行

屬劍於頸注以劍注頸音義

行戶郎反下同屬之欲反下同又之佳反

而

辭曰二君有治注治軍旅臣奸旗鼓注犯軍令不敏

於君之行前不敢逃刑敢歸死遂自剄也師屬之目

越子因而伐之大敗之靈姑浮以戈擊闔廬注姑浮

越大夫音義

剄古頂反本又作剄闔戶臘反

闔廬傷將指取其一屨

注其足大指見斬遂失屨姑浮取之音義

將子匠反屨九具反

還卒於陘去檣李七里注釋經所以不書滅音義

陘音

刑

夫差使人立於庭注夫差闔廬嗣子音義

夫音扶庭本又

廷作

苟出入必謂已曰夫差而忘越王之殺而父乎則

對曰唯不敢忘三年乃報越注後三年哀元年音義

唯惟癸反舊以水反

○晉人圍朝歌公會齊侯衛侯于脾上梁

之間注脾梁間即牽音義

脾婢支反

謀救范中行氏注齊

魯叛晉故助范中行也析成鮒小王桃甲率狄師以

襲晉注二子晉大夫范中行氏之黨音義

鮒音附桃如字本又

姚作戰于絳中不克而還士鮒奔周小王桃甲入于朝

歌○秋齊侯宋公會于洮范氏故也注謀救范氏○

衛侯為夫人南子召宋朝注南子宋女也朝宋公子

舊通于南子在宋呼之音義

偽為于反

會于洮太子蒯聵

獻孟子齊過宋野注蒯聵衛靈公太子孟邑名也就

會獻之故自衛行而過宋野音義

孟音于

野人歌之曰

既定爾婁豬盍歸吾父嬖注婁豬求子豬以喻南子

父嬖喻宋朝父老也音義

婁力侯反字林作嬖力付反豬張魚反盍戶臘反艾

五蓋反老也字林作皀音艾三毛聚居者獼音加牡豕也

疏

正義曰此會于洮還是上文會于洮也傳

為野人之歌張本故追言衛為夫人南子召宋朝召
在遠年非今始召欲說過宋野已隔此語故又本之
云齊宋會于洮時太子蒯聵獻孟于齊過宋野而被
譏也服虔以會于洮上屬為義言衛侯為夫人南子
召宋朝故與宋公會于洮言為召宋朝為此會也然
則宋朝是宋之公子衛侯欲召則召何須與宋為會
方始召之直言會于洮會上無國名知與何國會而
言宋衛乎服不達此勢愚之甚也注正義曰釋獸云
豕子豬牝豕牝者謂之豕則豕是豬之牡故以喻宋
朝也以婁豬為求子之豬相傳為說耳曲禮人年五
十曰艾是

艾為老也

太子羞之謂戲陽速曰從我而朝少君注

速太子家臣音義

戲許宜反少詩照

疏

正義曰少君
反本亦作小君

猶小君也君

為大君夫
人為小君

少君見我我顧乃殺之速曰諾乃朝夫人

夫人見太子太子三顧速不進夫人見其色啼而走

注見太子色變知其欲殺已曰蒯聵將殺余公執其

手以登臺太子奔宋盡逐其黨故公孟彊出奔鄭自

鄭奔齊太子告人曰戲陽速禍余戲陽速告人曰大

子則禍余太子無道使余殺其母余不許將戕於余

注戕殘殺也音義

戕在良反

若殺夫人將以余說余是故

許而弗為以紓余死諺曰民保於信吾以信義也注

使義可信不必信言音義

紓音舒諺音彦

○冬十二月晉人

敗范中行氏之師於潞獲籍秦高彊注二子黨范氏者終景王言籍父無後音義潞音路父音甫又敗鄭師及范氏之師于百泉注鄭助范氏故并敗

經十有五年春王正月邾子來朝

鼯鼠食郊牛牛死改卜牛注無傳不言所食處舉死重

也改卜禮也音義鼯音兮慮反疏正義曰爾雅云色黑而小有毒公羊以為不言

其所食漫也謂所食非一處穀梁注意亦然非杜意也

二月辛丑楚子滅胡以胡子豹歸

夏五月辛亥郊注無傳書過

壬申公薨于高寢注高寢宮名不於路寢失其所

鄭罕達帥師伐宋

齊侯衛侯次于渠蔭注不果救故書次音義

蔭直居反

邾子來奔喪注無傳諸侯奔喪非禮疏

注正義曰昭三
十年傳曰諸侯

之喪士弔大夫送葬諸侯親自奔喪
會葬皆非禮公羊亦云奔喪非禮也

秋七月壬申妣氏卒注定公夫人

八月庚辰朔日有食之注無傳

九月滕子來會葬注無傳諸侯會葬非禮也

丁巳葬我君定公雨不克葬戊午日下昃乃克葬辛巳

葬定姒注辛巳十月三日有日無月音義昃音側疏正義曰穀

梁以為葬不為雨止禮也雨不克葬喪不以制也非左氏意公羊傳云定姒何以書葬未踰年之君也有子則廟廟則書葬公羊此意以為定姒是妾哀公之母以哀公為君未踰年故書其卒葬耳左氏以定姒實是夫人但禮不備不成喪是哀母以否傳無明說注正義曰此年八月庚辰朔二日則辛巳九月不得有辛巳也更盈一周則六十二日月有一大一小十月已卯朔三日得辛巳是有日無月也

冬城漆注邾庶其邑音義漆音七疏注正義曰襄二十一年邾庶其以漆間丘

來奔莊三十八年傳曰凡邑有宗廟先君之主曰都無
曰邑邑曰築都曰城此稱城漆漆本邾邑不得有先君
宗廟而稱城者釋例曰若邑有先君宗廟則雖小曰都
尊其所居以大之也然則都而無廟固宜稱城城漆是
也而潁氏唯繫於先君之廟患漆本非魯邑因說曰漆
有邾之舊廟是使魯人尊邾之廢廟與先君同非經傳
意也是言漆是大都自應稱
城言庶其邑者意在排舊說

傳十五年春邾隱公來朝注邾子孟子貢觀焉邾子
執玉高其容仰公受玉卑其容俯注玉朝者之贄音

義

贄音

至

疏

注正義曰曲禮云凡贄天子鬯天子尊無
與敵者故執其鬯酒以對神諸侯珪是謂

玉為贄也周禮典瑞云公執桓圭侯執信圭伯執躬
圭子執穀璧男執蒲璧以朝覲宗遇會同于王諸侯

相見亦如之是
朝必執玉也

子貢曰以禮觀之二君者皆有死亡

焉夫禮死生存亡之體也將左右周旋進退俯仰於
是乎取之朝祀喪戎於是乎觀之今正月相朝而皆
不度注不合法度心已亡矣嘉事不體何以能久注
嘉事朝禮高仰驕也卑俯替也驕近亂替近疾君為
主其先亡乎注為此年公薨哀七年以邾子益歸傳
音義替他計反近附○吳之入楚也注在四年胡子
盡俘楚邑之近胡者注俘取也楚既定胡子豹又不

事楚曰存亡有命事楚何為多取費焉二月楚滅胡

注傳言小不事大所以亡音義

費芳味反

○夏五月壬申

公薨仲尼曰賜不幸言而中是使賜多言者也注以

微知著知之難者子貢言語之士今言而中仲尼懼

其易言故抑之音義

中丁仲反注同微知著知之○難竝如字又音智易以鼓反

鄭罕達敗宋師于老丘注罕達子蓄之子老丘宋地

宋公子地奔鄭鄭人為之伐宋欲取地以處之事見

哀十二年音義

蓄才何反為于偽反見賢遍反

○齊侯衛侯次于蘧

挈謀救宋也音義

蘧音渠挈女居反又女如反

○秋七月壬申姒

氏卒不稱夫人不赴且不祔也注赴同祔姑夫人之

禮二者皆闕故不曰夫人音義

附音

疏

注正義曰夫人初薨赴於

同盟之國其辭當云夫人某氏薨是赴則成夫人也禮適妻祔於適祖姑妾祔於妾祖姑若是祔祖姑則亦成夫人矣此赴同祔姑皆是夫人之禮二者皆闕故不曰夫人薨二者果行一事則得稱夫人故此以不赴兼又不祔解不稱夫人也

葬定公雨不克襄事禮也注襄成也

雨不成事若汲汲於欲葬音義

葬息羊反

葬定姒不稱小

君不成喪也注公未葬而夫人薨煩於喪禮不赴不

祔故不稱小君臣子怠慢也反哭於寢故書葬疏

正義

曰傳直言不成喪也不知闕少何事但小君者夫人之號不稱小君與不稱夫人其事同矣故知不成喪者即不赴不祔是也由不赴不祔夫人之喪禮不成故不稱小君也此定如實是夫人臣子怠慢不成其禮故書卒不稱薨書葬而不稱小君所以罪臣子也哀十二年孟子卒傳曰不反哭故不言葬小君是由反哭於寢

○冬城漆書不時告也注實以秋城冬乃

故書葬也

告廟魯知其不時故緩告從而書之以示譏疏

正義曰書

城漆者書其城不以時所書在冬依其文則得時矣故傳辯之云不時告也城實非時知其不可而以時

告廟

こころに
主として

左傳注疏

三十一

春秋左傳注疏卷五十六

春秋左氏傳注疏卷五十六考證

傳公會齊侯于祝其實夾谷○

臣召南

按祝其縣漢屬

東海郡後漢郡國志曰祝其春秋時曰夾谷

傳而不反我汶陽之田吾以共命者亦如之疏此聖人之大司也○大司二字不可解疑應作聖人之大用也各本同作司未敢輒改

叔孫州仇帥師墮郈疏仲由墮之而仲尼不禁○

臣浩

按如公羊說孔子為墮三都之謀也如左氏說仲由

為之也史記魯世家則直曰使仲由毀三桓城收其
甲兵孔子世家則直曰孔子言於定公曰臣無藏甲
大夫無百雉之城使仲由為季氏宰將墮三都是從
公羊說也

傳公圍成弗克○趙汭補注曰以墮三都為夫子之意
者蓋後學臆度言之石林葉氏云季孫叔孫皆屈于
家臣南蒯以費叛侯犯以郈叛是也墮郈墮費二氏
自為計而欲去其險耳夫何有於仲由此亦尊孔子

而反卑之者也

臣照

按趙汭說是

晉趙鞅入于晉陽以叛○陸淳曰趙鞅之入晉陽拒范中行也而書曰叛者人臣不當專土也

晉趙鞅歸于晉○蘇轍曰鞅寅吉射之叛其罪鉤也鞅以有助而歸寅吉射以無援故終叛春秋無所與也鞅之言歸寅吉射既出則無難也

傳絳不三月不能出河則我既濟水矣○林堯叟曰晉自絳都非九十日不能出河而救河內則我已卒事

濟河而歸矣

臣召南

按自絳至河內不必三月邴意

茲不過言絳都整頓車馬必淹滯多時而後得出三月言其久也

傳趙鞅入于絳盟于公宮○

臣召南

按自此范氏中行

氏出惟存知趙韓魏四家而分晉之勢成矣梁嬰父范臯夷之代荀范傳不言疑為卿而不久也

大蒐于比蒲○孫覺曰春秋田狩之事公行之者必書公公觀魚于棠公狩于郎是也而蒐四見于經皆不

曰公政在三桓非公自出也雖公自行皆曰大蒐而不曰公焉

傳越子句踐禦之○臣召南按史記越世家曰允常卒

子句踐立元年吳王闔廬聞允常死乃興師伐越則定十四年即句踐之元年也

傳嘉事不體○林堯叟曰朝禮嘉事也而不得其體之正臣浩按體即上文所謂左右周旋進退俯仰者也

春秋左氏傳注疏卷五十六考證

謹按卷五十五第八頁前五行注公叔發刊本監
本毛本叔訛孫據宋本改

第二十一頁前二三行疏上大夫相見以羔刊本
上訛土今改

第二十一頁前三行疏背明文諸本背訛皆據毛
本改

第二十一頁後五行音義本亦作磚諸本磚訛郭
據宋本改

第二十四頁前二行注叔孫帶諸本孫訛仲據宋
本改

第二十九頁前五行注詩邶風也刊本邶訛从比
旁並七行音義及疏同今改

後二行疏記妃妾善惡進御之法諸本進御訛彤
管據宋本改

第三十五頁前四行疏逢丑父刊本丑訛五今改
第三十六頁前四行疏故齊得優其徭役也刊本

徭訛為據宋本改

卷五十六第二頁後三行音義疆苦候反刊本候
訛候今改

第六頁後三行疏涉彼而誤耳刊本彼訛佗據宋
本改

第八頁後四行疏沃疆盛刊本疆訛疆今改

第十三頁前一行疏僅不皆克諸本不訛而據宋
本改

第二十七頁後二行注不於路寢諸本路記露據

宋本改

第三十頁前行疏解不稱夫人也諸本解訛辭

據宋本改



覆校官編修臣項家達

校對官檢討臣郭寅

謄錄監生臣陳熙

謄錄貢生臣李炯

欽定四庫全書薈要

經部

左傳注疏卷五十七

八

詳校官原任侍講臣王燕緒



欽定四庫全書薈要卷一千一百七十三

經部

春秋左傳注疏卷五十七

起哀公元年盡五年

晉杜氏注 唐陸德明音義 孔穎達疏

哀公音義

陸曰哀公名蔣定公之子蓋夫人定姒所生敬王二十八年即位諡法恭仁短折曰

疏上同

經元年春王正月公即位注無傳

楚子陳侯隨侯許男圍蔡注隨世服於楚不通中國吳之入楚昭王奔隨隨侯免之卒復楚國楚人德之使列

於諸侯故得見經定六年鄭滅許此復見者蓋楚封之

音義

見賢遍反下同此復扶又反

疏

注正義曰僖二十年楚人伐隨自爾以來隨不復見以隨世服

於楚為楚私屬不通於諸侯征伐盟會不齒於列故史不得書之猶如邾滕為人私屬不序於宋盟也定四年保護昭王楚得復國楚人感其恩德使隨列於諸侯今楚帥諸侯圍蔡令隨在其班次以之告魯故得見經定六年鄭滅許以許男斯歸殺之此時許復見者以許屬楚故疑蓋楚封之當如蔡侯廬陳侯吳受封於楚也世族譜許男斯之後有元公成悼公孫則是楚封元公為許男也

鼷鼠食郊牛改卜牛

夏四月辛巳郊注無傳書過也不言所食非一處音義

處昌疏注正義曰桓五年傳例云凡祀啟蟄而郊過則

慮反書今以四月始郊已入春分之氣故書過也宣

三年郊牛之口傷成七年饑鼠食郊牛角言其

傷食之處此不言所食處者所食非一處也

秋齊侯衛侯伐晉

冬仲孫何忌帥師伐邾注無傳

傳元年春楚子圍蔡報伯舉也注在定四年里而裁

注裁設板築為圍壘周匝去蔡城一里音義

裁才代反又音

再注同說文云築牆長疏注正義曰築牆立版謂之

版壘力執反匝子合反疏裁裁者豎木以約版也楚

慮外人救蔡則於表裏受敵故築圍壘周匝去蔡城

一里以圍之欲置兵其內以攻蔡使外人不得救之

廣丈高倍注壘厚一丈高二丈音義

廣古曠反高倍竝如字高又古

報反注同厚户豆反

夫屯晝夜九日注夫猶兵也壘未成故令

人在壘裏屯守蔡音義

屯徒門反夫兵也屯守也令力呈反

疏注正義曰劉炫

云杜言夫猶兵也以壘未成故令人在壘裏屯守蔡然則未築壘前兵豈遠城乎壘成之後兵復出壘乎以圍人夜守常事何言晝夜九日以後兵豈散乎炫以夫屯謂夫役屯聚晝夜不止九日而築壘成耳夫者別有城夫非戰士劉炫以為丁夫築城晝夜九日杜必以夫為兵屯守九日者以屯是城守之名故詩序云屯戍於母家又案傳晉有軌車皆是兵之屯守經籍未有作役之人而為屯守之號者故杜為此解劉妄規杜失非也

如子西之素注子西本計為壘當用九日

而成蔡人男女以辨注辨別也男女各別係壘而出

降音義

辨扶免反又方免反別彼列反下同累力維反降戶江反

使疆于江汝之

間而還注楚欲使蔡徙國在江水之北汝水之南求

田以自安也蔡權聽命故楚師還音義

疆居良反疏注正義曰

服虔云蔡使楚進疆於故江國與汝水之間意言蔡割地以賂楚也杜不然者以昭七年傳申無宇云先君文王作僕區之法所以封汝哀十七年傳曰彭仲爽申俘也文王以為令尹實縣申息朝陳蔡封畛於汝則楚於文王之時其竟已至汝水寧於此役蔡始令楚進疆于江汝之間也且汝水江國不可共文故杜以為楚使蔡徙其國都於江北汝水之南自擇疆宇欲令遷都近楚為楚屬國蔡人冀令楚去心雖不

肯權宜許之楚還之後蔡更自議已與蔡於是乎請
楚惡不如事吳故請遷于吳以吳為援

遷于吳注楚既還蔡人更叛楚就吳為明年蔡遷州

來傳○吳王夫差敗越于夫椒報檇李也注檇李在

定十四年夫椒吳郡吳縣西南大湖中椒山音義

夫音

扶椒又作緋子消反疏注正義曰杜於此注以椒為

檇李音醉大湖音泰山名土地名以夫椒為地名

以戰必在山旁遂入越越子以甲楯五千保于會稽

以山表地耳

注上會稽山也在會稽山陰縣南音義

楯食允反又音允會古外

反稽古兮反會稽使大夫種因吳太宰嚭以行成吳

山名上時掌反

子將許之伍員曰不可臣聞之樹德莫如滋去疾莫如盡昔有過澆殺斟灌以伐斟鄩注澆寒浞子封於過者二斟夏同姓諸侯襄四年傳曰澆用師滅斟灌

音義

種章勇反詁普鄙反員音云去疾起呂反本又作去惡過古禾反國名注及下同澆五咍反一

音五

報反下同斟諸林反灌古亂反鄩

疏注正義曰

音尋

浞仕捉反夏戶雅反下注皆同

疏

襄四年傳

稱夏之衰也有窮后羿因夏民以代夏政而用寒浞寒浞殺羿因其室而生澆處澆于過是言澆是寒浞之子封於過也二斟夏同姓諸侯夏本紀文也又襄四年傳云澆用師滅斟灌此言殺斟灌者王肅云滅殺也古者滅殺尊卑同名其意言殺其君而滅其國故二文各言其一也賈逵云夏后相依斟灌而國故

因殺夏后相也案下句別
言滅夏后相王解是也

滅夏后相注夏后相啓孫

后相失國依於二斟復為澆所滅音義

相息亮反注及下注同復

扶又疏注正義曰夏本紀云禹生啓啓生大康大康
反崩仲康立仲康崩子相立是相為仲康之子

啓之孫也書序云大康失邦作五子之歌其經云大
康尸位以逸豫乃政于有洛之表十旬弗反有窮后

羿因民弗忍距于河則大康之時羿已權盛能廢大
康矣胤征云唯仲康肇位四海孔安國云羿廢大康

而立其弟仲康為天子仲康羿之所立也仲康崩子
相立蓋亦羿立之矣傳言羿因夏民以代夏政蓋於

相時羿始自立為天子相於是失國依
於二斟及澆滅斟灌相復為澆所滅

后緡方娠逃

出自竇注后緡相妻娠懷身也音義

緡亡巾反娠音震又音身竇音

豆歸于有仍注后緡有仍氏女生少康焉為仍牧正

注牧官之長音義

少詩照反長丁丈反

甚澆能戒之注甚毒也

戒備也音義

忌音

澆使椒求之注椒澆臣逃奔有虞

為之庖正以除其害注虞舜後諸侯也梁國有虞縣

庖正掌膳羞之官賴此以得除已害音義

庖步交反疏注

義曰尚書堯典云有鰥在下曰虞舜又曰釐降二女于媯汭媯于虞皇甫謐云媯于虞因以虞為氏虞今河東大陽縣西山上虞城是也然則舜有天下其代號虞因本河東大陽之虞及周之興封仲雍之後為虞國即彼地是也但舜既禪禹禹封舜後為諸侯雖取虞為國名未必封於河東虞地而梁國有虞縣其

地以虞為名疑是夏時虞國杜於地名言有者皆是
疑辭言有以示不審也庖正當周禮之庖人謂之為
正當是食官之長故為掌膳羞之官也賴
此以得除已害得在浞之世不被殺也

虞思於是

妻之以二姚注思有虞君也虞思自以二女妻少康

姚虞姓音義

妻七計反
姚羊昭反

邑諸綸注綸虞邑音義

綸音

有田一成有衆一旅注方十里為成五百人為旅疏

注正義曰方十里為成司馬法文也五百人為旅夏
官序文也田一成衆一旅言食此一成之地其內有
為兵者五百人周禮小司徒云乃井牧其田野鄭衆
云井牧者春秋傳所謂井衍沃牧隰臯者也鄭玄云
隰臯之地九夫為牧二牧而當一井今造都鄙授民
田有不易有一易有再易通率二而當一是之謂井

牧昔夏少康在虞忠有田一成有衆一旅一旅之衆而田一成則井牧之法先古然矣杜解牧隰臯雖與鄭異其授民田二而當一理亦宜然計方十里為方一里者百方一里有九夫之田則十里容九百夫也其一一百夫授上地不易者其四百夫授一易二而當一則得為五百夫矣能布其德而兆其謀注兆始以收夏衆撫其官職注襄四年傳曰靡

自有鬲氏收二國之燼以滅浞而立少康音義

鬲音革燼

徐刃反又

疏

注正義曰引此傳者言少康能布恩惠以收夏衆以德撫靡故得用靡遺民滅

秦刃反

浞而使女艾諜澆注女艾少康臣諜侯也音義

女如字又

音汝艾五蓋

反諜音牒

使季杼誘殪注殪澆弟也季杼少康子

后杼也音義

杼直呂反
殪許器反

遂滅過戈復禹之績注過澆

國戈殪國音義

過戈竝古禾反
之績一本作迹

祀夏配天不失舊物

注物事也今吳不如過而越大於少康或將豐之不

亦難乎注言與越成是使越豐大必為吳難音義

乃難

旦反句踐能親而務施施不失人注所加惠賜皆得其

人音義

施始鼓
反下同

親不棄勞注推親愛之誠則不遺小

勞與我同壤而世為仇讐於是乎克而弗取將又存

之違天而長寇讐注猶言天與不取音義

長丁文
反下同

疏

注正義曰吳語云越滅吳吳王請行成越王曰昔天以越賜吳而吳不取是也後雖悔之不

可食已注食消也已止也疏

正義曰言悔恨之深結其心腹不可如食之消

止姬之衰也日可俟也注姬吳姓言可計日而待音

義

俟本又作
埃音仕

介在蠻夷而長寇讐以是求伯必不行

矣弗聽退而告人曰越十年生聚而十年教訓注生

民聚財富而後教之音義

介音界伯如字又音疏注
霸聚才喻反又如字正

義曰服虔云令少者無娶老婦老者無娶少婦女十七不嫁男二十不娶父母有罪也將生子以告與之
豎饋之餽也死者釋其征必哭泣葬埋如其子也孺
子遊者必鋪歌之也非手所種夫人所織不用十年

不收於國二十年之外吳其為沼乎注謂吳宮室廢壞當

為汚池為二十二年越入吳起本音義沼之兆反三

月越及吳平吳入越不書吳不告慶越不告敗也注

嫌夷狄不與華同故復發傳音義復扶又反○夏四月齊

侯衛侯救邯鄲圍五鹿注趙稷以邯鄲叛范中行氏

之黨也五鹿晉邑音義邯音寒鄲音丹○吳之入楚也注在

定四年使召陳懷公懷公朝國人而問焉曰欲與楚

者右欲與吳者左陳人從田無田從黨注都邑之人

無田者隨黨而立不知所與故直從所居田在西者

居右在東者居左逢滑當公而進注當公不左不右

音義

滑于八反

曰臣聞國之興也以福其亡也以禍今吳

未有福楚未有禍楚未可棄吳未可從而晉盟主也

若以晉辭吳若何公曰國勝君亡非禍而何注楚為

吳所勝對曰國之有是多矣何必不復小國猶復況

大國乎臣聞國之興也視民如傷是其福也注如傷

恐驚動其亡也以民為土芥是其禍也注芥草也音

義

莽古
邁反

楚雖無德亦不艾殺其民吳日敝於兵暴骨

如莽注草之生於廣野莽莽然故曰草莽音義

艾魚
廢反

暴步卜反

而末見德焉天其或者正訓楚也注使懼

莽亡黨反

而改過禍之適吳其何日之有注言今至陳侯從之

及夫差克越乃修先君之怨秋八月吳侵陳修舊怨

也注傳言吳不修德而修怨所以亡○齊侯衛侯會

于乾侯救范氏也師及齊師衛孔圉鮮虞人伐晉取

棘蒲注魯師不書非公命也孔圉孔烝鉏曾孫鮮虞

狄帥賤故不書音義

圍魚呂反烝之承反鉏仕居反疏

注正義曰杜以經書齊衛

伐晉傳言四國伐晉故唯解魯與鮮虞不書意也劉炫以齊衛會乾侯救范氏者師相會因而行伐二君親行告伐不告會也行伐之後魯與鮮虞會之齊衛更遣師與同伐也但齊將卑師衆故稱師衛將尊師少故云孔圍後伐四國竝皆不書非獨魯與鮮虞不書也當謂魯師不書非公命餘者不書皆不告義出百塗竝得通也今知劉非者杜以傳齊侯衛侯止云會乾侯不言伐晉即云師及齊師衛孔圍鮮虞人伐晉與經齊侯衛侯伐晉文相次當以為一鮮虞狄帥賤故略而不書猶邲之戰唐侯從楚而不書平丘之會狄人從晉而不書之類是也劉以為孔圍等更別伐晉魯師不書非公命餘者不告故不書而規杜過也

○吳師在陳楚大夫皆懼曰闔廬惟能用其民以

敗我於栢舉今聞其嗣又甚焉將若之何子西曰二

三子恤不相睦無患吳矣昔闔廬食不二味疏正義曰謂

與在下同其好惡不別二為美味也居不重席室不崇壇注平地作室

不起壇也音義重直龍反壇徒丹反器不彤鏤注彤丹也鏤刻

也音義彤徒冬反鏤魯豆反宮室不觀注觀臺榭音義觀古亂反注同

榭音謝舟車不飾衣服財用擇不取費注選取堅厚不

尚細靡音義費芳味反在國天有菑癘注癘疾疫也音義

菑音災癘本或作天疏正義曰在國與在君相對天有菑癘與下句相連言有菑

癘之時親自巡孤寡共其
乏困也本或作天無誤耳親巡其孤寡而共其乏困

在軍熟食者分而後敢食注必須軍士皆分熟食不

敢先食分猶徧也音義

共音恭熟食者分如字一請以分字連下句徧音遍

疏

注正義曰孫武兵書云軍井未達將不言渴軍竈未
炊將不言飢故闔閭在軍如良將之法必須軍士皆
分熟食然後敢食王不先自食也服虔云以其半分
軍士而後自食其餘苦簞醪注流也杜以分王半食
不得徧及軍人且所嘗珍異乃得卒乘與焉王所自
食不得分軍士也故顯而異之分猶徧也待徧熟食
王乃自食也其所嘗者卒乘與焉注所嘗甘珍非常食音

義

卒子忽反乘繩證反與音預

勤恤其民而與之逸勞是以民不

罷勞死知不曠注知身死不見曠棄音義

罷音皮

吾先

大夫子常易之所以敗我也注易猶反也今聞夫差

次有臺榭陂池焉注積土為高曰臺有木曰榭過再

宿曰次音義

陂彼反

疏

注正義曰釋宮云閭謂之臺郭璞云積土四方也又云有木者

謂之榭李巡云臺上有屋謂之榭又曰無室曰榭四方而高曰臺莊三年傳例曰凡師一宿為舍再宿為

信過信為次孔安國尚書傳云澤郭曰陂停水曰池言夫差所停三日則役民為此也

宿有妃

嬙嬙御焉注妃嬙貴者嬙御賤者皆內官音義

嬙本又作

牆或作牆在羊反嬙毗人反

疏

注正義曰曲禮云天子之妃曰后則妃上下通名也釋詁云妃合會

對也妃嬪也是匹對於夫婦官之最貴者也嬙在妃
下次於妃也周禮有九嬪女御以有四名分為二等
故言妃嬙貴者嬪御賤者皆婦官之名周禮無一日
嬙蓋後世為之名漢有掖庭王嬙是因於古也

之行所欲必成玩好必從珍異是聚觀樂是務視民
如讎而用之日新夫先自敗也已安能敗我注為二

十二年越滅吳起本音義

好呼報反夫先自敗也已
夫音扶本或作夫差先自

敗者
非

○冬十一月晉趙鞅伐朝歌注討范中行氏

經二年春王二月季孫斯叔孫州仇仲孫何忌帥師伐
邾取鄆東田及沂西田注邾人以賂取之易也音義

邾

號反音郭沂魚
依反易以鼓反

癸巳叔孫州仇仲孫何忌及邾子盟于

句繹注句繹邾地取邑盟以要之音義

句古侯反繹音亦要以遙反

疏

注正義曰既取其田盧後悔競故共盟以要之伐則三卿盟唯二卿者服虔云季孫尊卿敵服先歸使二

子與之盟穀梁傳曰三人伐而二人盟何各盟其得也其意言季孫不得田故不與盟也葉十四年小邾射以句繹來奔則句繹小邾地也注言邾地者以傳云伐邾邾人愛其土賂以郭沂之田而受盟被伐受盟則盟在邾地猶若成二年楚人伐我師于蜀公及楚公子嬰齊盟于蜀之類是也邾與小邾國竟相近句繹所屬亦無定準猶齊魯汶陽之田莒魯爭鄆之事一彼一此豈有常乎而劉炫以句繹為小邾地而規杜非也

夏四月丙子衛侯元卒注定四年盟臯鼫疏

注正義曰元以昭八

年即位三十二年大夫盟于狄
泉以未告公而公薨故不數

滕子來朝注無傳

晉趙鞅帥師納衛世子蒯聵于戚疏

正義曰世子者父在之名蒯聵父既

死矣而稱世子者晉人納之以世子告言是正世子以示宜為君也春秋以其本是世子未得衛國無可褒貶故因而書

世子耳

秋八月甲戌晉趙鞅帥師及鄭罕達帥師戰于鐵鄭師
敗績注皆陳曰戰大崩曰敗績鐵在戚城南罕達子皮

孫音義

鐵天結反
陳直覲反

冬十月葬衛靈公注無傳七月而葬緩

十有一月蔡遷于州來注畏楚而請遷故以自遷為文

蔡殺其大夫公子駟注懷土而欺大國故罪而書名

傳二年春伐邾將伐絞注絞邾邑音義絞古卯反邾人愛

其土故賂以鄆沂之田而受盟○初衛侯遊于郊子

南僕注子南靈公子郢也僕御也音義郢以井反公曰余

無子將立女注薊疇奔無大子音義女音汝不對他日

又謂之對曰郢不足以辱社稷君其改圖君夫人在

堂三揖在下注三揖卿大夫士音義

揖一入反疏注正義曰周禮

司士云孤卿特揖大夫以其等旅揖士旁三揖鄭立云特揖一一揖之旅衆也大夫爵同者衆揖之三揖者士有上中下鄭衆云卿大夫士皆君之所揖禮春秋傳所謂三揖在下服虔云三揖卿大夫士土揖庶姓時揖異姓天揖同姓君命祇辱注言立適當以禮與內外同

之今君私命事必不從適為辱音義

祇音支適丁歷反下適孫同

夏衛靈公卒夫人曰命公子郢為太子君命也對曰郢異於他子注言用意不同且君沒於吾手若有之郢必聞之注言當以臨沒為正且亡人之子輒在注

輒蒯賁之子出公也靈公適孫乃立輒六月乙酉晉

趙鞅納衛太子于戚宵迷陽虎曰右河而南必至焉

注是時河北流過元城界戚在河外晉軍已渡河故

欲出河右而南疏

注正義曰土地名云河經河內之南界東北經汲郡魏郡頓丘陽平

平原樂陵之東南入海是言晉時河所經也春秋之時河未必然故云是時河北流過元城界與晉時河道異也土地名又云戚頓丘衛縣西戚城在枯河東是春秋時戚在河東也從晉而言河西為內東為外故云戚在河外也是時晉軍已渡河矣師人皆迷不知戚處陽虎憶其渡處在戚之北河既北流據水所向則東為右故欲使太子纔注纔者始發喪之服音出河右而南行也

義

纓音問喪音桑

疏

注正義曰士喪禮既小斂主人括髮袒衆主人免于房鄭玄云括髮者去笄纓

而紒也衆主人免者齊衰將袒以免代冠冠服之尤尊不以袒也又奔喪之禮至於家入門哭盡哀括髮袒自齊衰以下入門哭盡哀免麻于序東如彼禮文則主人當括髮齊衰以下乃免此大子纓者禮不至喪所不括髮故以纓代之耳靈公以四月卒今以六月而大子纓故云纓始發喪之服也遠近不臨喪者不得括髮故始發喪服纓也鄭玄注士喪禮云免之制未聞舊說以為如冠狀廣一寸喪服小記曰斬衰括髮以麻免而以布此用麻布為之狀如今之八人著慘頭矣自項中而前交於額上卻纓紒也

衰經偽自衛逆者注欲為衛人逆故衰經成服音義

衰七雷反經田結反

告於門哭而入遂居之○秋八月齊人輸

范氏粟鄭子姚子般送之注子姚罕達子般駟弘音

義

般音班

士吉射逆之趙鞅禦之遇於戚陽虎曰吾車

少以兵車之旆與罕駟兵車先陳注旆先驅車也以

先驅車益其兵車以示衆音義

陳直覲反下注同

罕駟自後

隨而從之彼見吾貌必有懼心注晉人先陳鄭人隨

之不知其虛實見車多必懼於是乎會之注會合戰

必大敗之從之卜戰龜焦注兆不成樂丁曰詩曰爰

始爰謀爰契我龜注樂丁晉大夫詩大雅言先人事

後卜筮音義

契苦計反 又苦結反 疏正義曰詩大雅綿之篇美大王遷岐之事爰於也既

見周原之地肥美可居於是始集幽人從已者於是與謀議人謀既從於是契灼我龜而卜之言先人謀

後卜筮也謀協以故兆詢可也注詢諮詢也故兆始納衛

大子卜得吉兆言今既謀同可不須更卜音義

謀協以故

兆絕句詢可也思道反

簡子誓曰范氏中行氏反易天明注不

事君也

正義曰天有尊卑人有上下下事上臣事君法則天之明道臣不事君是反易天之

明道也

斬艾百姓欲擅晉國而滅其君寡君恃鄭而保

焉今鄭為不道棄君助臣二三子順天明從君命經

德義除詬耻在此行也克敵者上大夫受縣下大夫

受郡注周書作雒篇千里百縣縣有四郡音義

艾魚廢反

檀市戰反而滅其君滅或作戕音殘詬呼豆反又音苟雒音洛千里百縣縣方百里縣有四郡郡方五十

里

疏

正義曰此經德義與傳經國家詩序經夫婦皆意同也經謂經紀營理之不除君惡則德義廢

矣宜經紀德義使不壞也上大夫下大夫謂於大夫之內分為上下其上大夫非卿也此言先無田祿者若能克敵得此賞也注正義曰周禮小司徒云九夫為井四井為邑四邑為丘四丘為甸四甸為縣四縣為都鄭玄云邑方二里丘方四里甸方八里旁加一里則方十里為一成縣方二十里都方四十里四都方八十里旁加十里乃得方百里為一同也如彼文則縣方二十里耳周禮又無郡不可用以解此故引

周書解之或曰周書者孔子刪尚書之餘今案其存者其文非尚書之類其作雒篇有此言方千里者為方百里者百十里百縣則縣方百里計成方十里出車一乘縣方百里則出車百乘也昭五年傳云晉有四十縣遺守四千乘是縣別有百乘與作雒之言合也上大夫受縣縣則為百乘之家言得進為卿也縣有四郡則郡方五十里下大夫得此方五十里之采邑

士田十萬注十萬畝也

疏注正義曰王制云方一里者為田九百畝方十里者為方一里者百為田九萬畝則士田十萬為方

十里有餘庶人工商遂注得遂進仕人臣隸圉免注去廩

役音義

廩役如字字又作斯音同何休注公羊云艾草為防者曰廩汲水漿者曰役蘇林注漢書

云廩取薪者韋志父無罪君實圖之注志父趙簡子昭云析薪曰廩

之改名也言已事濟君當圖其賞音義

志父音甫服云趙鞅入晉

陽以畔後得歸改名志疏注正義曰牧誓武王誓衆父春秋仍舊猶書趙鞅尚自稱名况以人臣誓衆固當自稱名矣知志父是簡子名也簡子名鞅又名忘父者服虔云趙鞅入于晉陽以叛諸侯之策書曰晉趙鞅以叛既復更名志父或當然也楚公子圉弑君取國改名曰虔經即書虔公子棄疾弑君取國改名曰居經即書居今趙鞅改名志父經書猶云趙鞅者彼楚子既為國君臣下以所改之名告於鄰國故得書所改之名趙鞅人臣國家不為之諱仍以趙鞅名告故書鞅也鞅言君實圖之言已事濟君當謀其賞也簡子言此君當謀其賞者言君當賞其在下副上所誓之言欲使在下信之非欲自求賞也

若

其有罪絞縊以戮注絞所以縊人物音義

續一賜反戮音六

桐棺三寸不設屬辟注屬辟棺之重數王棺四重君

再重大夫一重音義

桐棺三寸禮記云夫子制於中都四寸之棺五寸之槨以斯知

不欲速朽也鄭康成注云此庶人之制也案禮上大棺八寸屬六寸下大夫棺六寸屬四寸無三寸棺制也棺用難朽之木桐木易壞不堪為棺故以為罰墨子尚儉有桐棺三寸不設屬音燭注同次大棺也辟步歷反注同親身棺也禮大夫無辟重直龍反下同王棺四重禮記云水兕革棺被之其厚三寸槨棺一梓棺二柁棺辟也梓棺二屬與大棺也被水牛及兕之革為一重辟為二重屬為三重大棺為四重君再重君謂侯伯子男侯伯以下無革棺屬與辟為一重大棺為再重上公則唯無水革耳兕革與辟為一重屬為再重大棺為三重大夫一重大夫唯屬與大棺為一重今云不設辟者時僭耳非正禮也

疏

注正義曰禮喪大記云君大棺八寸屬六寸梓四寸
上大夫大棺八寸屬六寸下大夫大棺六寸屬四寸
是屬辟為棺之重數也大記之文從外向內大棺之
內有屬屬之內有梓梓親身之棺鄭玄云梓堅著之
意也如記文大夫無梓今簡子自言有罪始不設辟
者鄭玄云趙簡子云不設屬辟時僭也為時僭日久
自言無罪則僭設有罪乃不設耳記言士棺六寸檀
弓又云夫子為中都宰制四寸之棺五寸之槨鄭玄
云為民作制民猶四寸簡子言三寸者亦示其罰之
重令制度卑於民也記有柩棺梓棺柩謂槨也不以
桐為棺簡子言桐棺者鄭玄云凡棺用能溼之物梓
槨能溼故禮法尚之桐易腐壞亦以桐為罰也檀弓
又云天子之棺四重鄭玄云尚深遠也諸公三重諸
侯再重大夫一重士不重又云水兕革棺被之其厚
三寸柩棺一梓棺二四者皆周鄭玄云以水牛兕牛
之革以為棺被革各厚三寸合六寸也此為一重柩

棺一所謂裨棺也梓棺二所謂屬與大棺也檀弓之
文自內向外水牛之革一也兕牛之革二也二者相
襲乃得為重故以此二者為一重也又有裨也屬也
大棺也此是天子四重為數五棺為四重也喪大記
之文君有大棺也裨也屬也大夫有大棺也屬也鄭
玄注檀弓天子之棺四重以是差之上公革棺不被
三重也諸侯無革棺再重也大夫無裨一重也士無
屬不重也是上公數四棺為三重諸侯數三棺為再
重大夫數二棺為一重士以一棺為不重也杜之此
注惟無上公士耳其言重數與鄭同也若然禮器云
天子葬五重諸侯葬三重大夫葬再重以多為貴也
彼重亦當謂棺而其數皆較一者鄭玄云天子葬五
重者謂抗木與茵也葬者抗木在上茵在下然則茵
以藉棺抗為負土天子及諸侯大夫皆數彼以增棺
數故皆多較一也杜言此棺之
重數者以明不設屬辟為罰也

素車樸馬注以載柩

音義

樸普卜反
樞其又反

疏

正義曰素車無飾謂不以嬰柳飾車也曲禮曰大夫去國為位而哭

乘髦馬鄭玄云髦馬不鬣落也則此樸馬亦謂不鬣落用此以載樞也雜記稱士喪有與天子同者三其

終夜燎及乘人專道而行然則樞皆人挽用此車馬載者禮言乘人設法許之耳道遠者當用牛馬且此

言亦為
罰也

無入于兆注兆葬域疏

正義曰周禮冢人云凡死于兵者不入兆

域鄭玄云戰敗無勇投諸塋外以罰之此言不入兆域亦罰也

下卿之罰也注為衆

設賞自設罰所以能克敵音義

為子
偽反

甲戌將戰郵無

恤御簡子衛大子為右注郵無恤王良也音義

郵音
尤

疏

注正義曰下云子良授綏是也服虔云王良也孟子說王良善御之事古者車駕四馬御之為難故

為六藝之一王良之善御最有名於書傳多稱之楚辭云當世豈無騏驎兮誠無王良之善御見執轡者非其人兮故駒跳而遠去登鐵上注鐵丘名望見鄭師衆大子懼

自投于車下子良授大子綏而乘之曰婦人也注言

其怯音義

怯去業反

疏

正義曰曲禮云凡僕人之禮必授人綏論語稱孔子上車必正立執

綏而升綏者挽以上車之索故授之使之升也少儀云僕者右帶劔負良綏申之面拖諸帟鄭玄云面前也帟覆苓也良綏君綏也負之由左肩上入右腋下申之於前覆苓上也簡子巡列曰畢

萬匹夫也七戰皆獲有馬百乘死於牖下注畢萬晉

獻公卿也皆獲有功死於牖下言得壽終音義

乘繩證反

牖羊疏

正義曰襄二十七年傳云唯卿備百邑注云一乘之色也坊記云家富不過百乘百乘卿

之極制也擅弓云飯於牖下小斂於戶內大斂於阼賓於客位祖於庭葬於墓所以即遠也則禮之正法

死於牖下

羣子勉之死不在寇注言有命繁羽御趙羅宋

勇為右注三子晉大夫羅無勇麋之注麋束縛也音

義

麋丘閭反注同

吏詰之御對曰疔作而伏注疔瘡疾也音

義

詰起吉反疔詩占反瘡魚略反

衛大子禱曰曾孫蒯聵敢昭告皇

祖文王注周文王皇大也音義

禱丁老反一音丁報反

烈祖康

叔注烈顯也文祖襄公注繼業守文故曰文祖蒯聵

襄公之孫疏

正義曰禮於曾祖以上皆稱曾孫此雖竝告三祖對文王康叔稱曾孫也晉語

說此事於襄公之下又有昭考靈公國語與傳異者多矣此下云無作三祖羞是無昭考也

鄭勝

亂從注勝鄭聲公名釋君助臣為從於亂晉午在難

注午晉定公名音義

難乃旦反下注為難同

不能治亂使鞅討

之注鞅簡子名蒯賸不敢自佚備持矛焉注戎右持

矛音義

佚音逸矛亡侯反

敢告無絕筋無折骨無面傷以集

大事無作三祖羞注集成也音義

筋居銀反

大命不敢請

佩玉不敢愛注不敢愛故以祈禱疏

正義曰上言無絕筋無折骨謂

軍之士衆無令傷損以成大事此云大命不敢請者謂己之身命不敢私請苟以求生佩玉不敢愛尚書金縢稱周公植璧秉珪以告大王王季文王是禱請用玉也在軍無圭璧故以佩鄭人擊簡

子中肩斃于車中注斃踣也音義

中肩丁仲反斃婢世反本亦作弊踣

蒲北反

獲其蠶旗注蠶旗旗名音義

蠶芳恭反

大子救之以

戈鄭師北獲溫大夫趙羅注羅無勇故鄭師雖北猶

獲羅大子復伐之鄭師大敗獲齊粟千車趙孟喜曰

可矣注趙孟簡子也喜大子前怯今更勇音義

復扶又反

傅僂曰雖克鄭猶有知在憂未艾也注傅僂簡子屬

也言知氏將為難後竟有晉陽之患音義

倭素口反又作婁有

知音智艾魚廢反又五蓋反

初周人與范氏田公孫龍稅焉注龍

范氏臣為范氏收周人所與田之稅音義

龍武江反稅始銳反

為于偽反下文為其注同

趙氏得而獻之注得龍以獻簡子吏請

殺之趙孟曰為其主也何罪正而與之田注還其所

稅及鐵之戰以徒五百人宵攻鄭師取蠶旗於子姚

之幕下獻曰請報主德追鄭師姚般公孫林殿而射

前列多死注晉前列音義

幕音莫姚般子姚子般殿丁電反射食亦反

趙

孟曰國無小注言雖小國猶有善射者既戰簡子曰

吾伏弋嘔血注弋衣嘔吐也音義

弋吐刀反嘔本又作咎烏口反

吐他露反

鼓音不衰今日我上也注我功為上大子曰吾

救主於車退敵於下我右之上也郵良曰我兩靽將

絕吾能止之注止使不絕音義

靽以刀反

我御之上也駕

而乘材兩靽皆絕注材橫木明細小也傳言簡子不

讓下自伐疏

正義曰古之駕四馬者服馬夾轅其頸負軛兩靽在旁挽靽助之詩所謂陰靽

盜績是也說文云靽引軸也僖二十八年注云在胃曰靽然則此皮約馬胃而引車軸也兩靽將絕而能

制馬言其御之和也駕而乘材材謂橫地細小之木也乘小木而勒絕示其將絕之驗也

○吳洩

庸如蔡納聘而稍納師師畢入衆知之注元年蔡請

遷于吳中悔故因聘襲之音義

洩息列反一音息引反未詳中丁仲反

蔡侯告大夫殺公子駟以說注殺駟以說吳言不時

遷駟之為哭而遷墓注將遷與先君辭故哭冬蔡遷

于州來

經三年春齊國夏衛石曼姑帥師圍戚注曼姑為子圉

父知其不義故推齊使為兵首戚不稱衛非叛人音義

曼音萬為

疏

注正義曰春秋行兵征伐自非霸主之命于偽反諸國共行皆以主兵為首此團戚實出衛

意引齊使之助已計應曼姑為首而序在齊下者曼姑為子圉父知其不義推齊使為兵首故先書齊也穀梁傳曰此衛事也其先國夏何也子圉父也是先儒及杜皆同穀梁之說也宋魚石去而復入據宋之彭城襄元年經書圍宋彭城傳曰非宋地追書也於是為宋討魚石故稱宋且不登叛人也此蒯聵在戚齊衛國之與國宋彭城事類同矣彭城稱宋此不稱衛者蒯聵據戚與輒爭國非是叛人故不須繫之衛也公羊傳曰齊國夏曷為與衛石曼姑帥師圍戚伯討也此其為伯討奈何曼姑受命乎靈公而立輒以曼姑之義為固可以距之也輒者曷為者也蒯聵之子也然則曷為不立蒯聵而立輒蒯聵為無道靈公逐蒯聵而立輒然則輒之義可以立乎曰可其可奈何不以父命辭王父命以王父命辭父命是父之行乎子也不以家事辭王事以王事辭

家事是上之行乎下也其意言靈公廢蒯賁不用使之得國輒不以國與蒯賁是靈公之命行於蒯賁也立為國君是王事也以國與父是私事也不以國與父是天子之命行於諸侯也如公羊之言則輒義可以距父圍戚不為不義而杜言曼姑知其不義則輒不合距父意與公羊異者據左傳公子郕讓國不受然後立輒然則輒之立也以周禮無適子則立適孫緣是以得立耳非有靈公之命使立之也為輒之義自可讓而不受以己是適孫緣有可立之勢貪國以距父耳非有靈公之命天子之勅使之距蒯賁也論語說此事云冉有曰夫子為衛君乎子貢曰諾吾將問之入曰伯夷叔齊何人也曰古之賢人也曰怨乎曰求仁而得仁又何怨乎出曰夫子不為也孔子意不助輒明是輒為不義故曼姑自知不義推齊為主

夏四月甲午地震注無傳

五月辛卯桓宮僖宮災注天火曰災

季孫斯叔孫州仇帥師城啓陽注無傳魯黨范氏故懼

晉比年四城啓陽今琅邪開陽縣

宋樂髡帥師伐曹注無傳音義
髡苦孫反

秋七月丙子季孫斯卒

蔡人放其大夫公孫獵于吳注無傳公子駟之黨

冬十月癸卯秦伯卒注無傳不書名未同盟

叔孫州仇仲孫何忌帥師圍邾注無傳

傳三年春齊衛圍戚求援于中山注中山鮮虞○夏

五月辛卯司鐸火注司鐸官名音義

鐸待疏注正義洛反曰僖二

十年西宮災書之此不書者西宮公之西宮親近偏君忽被天火故重而書之此司鐸雖是公小宮在公宮之後非君來往之急又是人火所以輕而不書或可舉廟重以略之火踰公宮桓僖

災注桓公僖公廟疏

正義曰傳言火而經書災者司鐸初被人火火越宮而至廟以

火踰宮故以災言之

救火者皆曰顧府注言常人愛財南宮敬

叔至命周人出御書俟於宮注敬叔孔子弟子南宮

閱周人司周書典籍之官御書進於君者也使待命

於宮音義

閱音

曰庀女而不在死注庀具也音義

庀匹

婢反女音汝

子服景伯至命宰人出禮書注景伯子服何

也宰人家宰之屬以待命命不共有常刑注待求之

命音義

共音恭

校人乘馬巾車脂轄注校人掌馬巾車

掌車乘馬使四四相從為駕之易音義

校戶教反注及下同乘繩

證反注及下皆同轄戶轄反本又作鎔同為于偽反易以豉反

百官官備府庫慎守

官人肅給注國有火災恐有變難故慎為備音義

難乃

旦反濟濡帷幕鬱攸從之注鬱攸火氣也濡物於水出

用為濟音義

濟子細反又子禮反注同
惟位悲反幕音莫攸音由

蒙葦公屋注

以濡物冒覆公屋音義

葦七入反一
音子入反

自大廟始外內

以悛注悛次也先尊後卑以次救之音義

悛大
全反

助所

不給有不用命則有常刑無赦公父文伯至命校人

駕乘車注乘車公車季桓子至御公立于象魏之外

注象魏門闕命救火者傷人則止財可為也命藏象

魏注周禮正月縣教令之法于象魏使萬民觀之故

謂其書為象魏音義

縣音
立

疏

注正義曰周禮大宰云
正月之吉始和布治于

邦國都鄙乃縣治象之法于象魏使萬民觀治象浹日而斂之鄭玄云正月周之正月吉謂朔日大宰以正月朔日布王治之事於天下至正歲又書而縣于象魏使萬民觀焉凡治有故言始和者若改造云爾鄭衆云從甲至癸謂之浹日凡十日其地官夏官秋官皆有此言地官云布教縣教象夏官云布政縣政象秋官云布刑縣刑象各縣所掌之事為異其文悉同唯春官不縣者以禮法一頒百事皆足不可又縣故不縣之杜總彼意言縣教令之法彼所縣者皆是教令之事故也由其縣于象魏故謂其書為象魏命藏其書也彼言朔日縣之十日即斂之則救火之時其書久已藏矣而此立象魏之外方始命藏此書者象魏是縣書之處見其處而念及其書非始就縣處斂藏之

曰舊章不可亡也富

父槐至曰無備而官辦者猶拾藩也注槐富父終生

之後潘汁也言不備而責辦不可得音義

父音甫槐音懷官辦

辦具之辦注竝同拾音十於是乎去表之豪注表表

潘尺審反北土呼汁為審

於是乎去表之豪注表表

火道風所向者去其豪積音義

去起呂反注同豪古老反注同向許亮反

積子

賜反道還公宮注開除道周匝公宮使火無相連音

義

還本又作環戶關反又音惠注同

孔子在陳聞火曰其桓僖乎注

言桓僖親盡而廟不毀宜為天所災疏

注正義曰禮諸侯親廟四

馬高祖之父即當毀其廟計桓之於哀八世祖也僖六世祖也親盡而廟不毀言其宜為天所災也所以不毀者服虔云季氏出桓公又為僖公所立故不毀其廟其意或然公羊傳曰此皆毀廟也其言災何復

立也曷為不言其復立春秋見者不復見也何以不言及敵也其意言哀公更立之不可通於左氏故以為元不毀耳服虔又云俱在迭毀故不言及杜無說或當同時災無先後故不言及 ○劉氏范

氏世為婚姻注劉氏周卿士范氏晉大夫萇弘事劉文公注為之屬大夫故周與范氏趙鞅以為討注責

周與范氏六月癸卯周人殺萇弘注終違天之禍疏

正義曰文公以定四年卒也為之屬大夫謂當昭公之世也此時文公已卒萇弘知政以己先事劉子劉氏又與范氏親至握國權遂與范氏故周人殺之以說於晉 ○秋季孫有疾命正

常曰無死注正常桓子之寵臣欲付以後事故敕令

勿從已死音義

令力呈反

南孺子之子男也則以告而立

之注南孺子季桓子之妻言若生男告公而立之音

義

孺如女反

也則肥也可注肥康子也季孫卒康子即

位既葬康子在朝注在公朝也南氏生男正常載以

如朝告曰夫子有遺言命其圉臣曰南氏生男則以

告於君與大夫而立之今生矣男也敢告遂奔衛康

子請退注退辟位也公使共劉視之注共劉魯大夫

音義

共音恭

則或殺之矣乃討之注討殺者召正常正

常不反注畏康子也傳備言季氏家事疏

正義曰服虔云召而

問兒死意然則兒於正常去後始死死非正常得知召之復何所問也當欲問不立康子之意故正常畏

康子不反

○冬十月晉趙鞅圍朝歌師于其南注范中行

所在荀寅伐其郭注伐其北郭圍音義

郭芳夫反

使其徒

自北門入已犯師而出注荀寅使在外救已之徒擊

趙氏圍之北門因外內攻得出疏

正義曰荀寅從內伐其北郭之郭又

使其救已之徒自外伐圍郭之北門而入因外內攻故得出也

癸丑奔邯鄲十一月

趙鞅殺士臯夷惡范氏也注惡范氏而殺其族言遷

怒音義

惡烏路反注同

經四年春王二月庚戌盜殺蔡侯申注賤者故稱盜不

言弑其君賤盜也音義

盜殺申志反蔡侯申今本皆如此案宣十七年蔡侯申卒是文

侯也今昭侯是其玄孫不容疏正義曰宣十七年蔡侯

與高祖同名未詳何者誤也疏正義曰宣十七年蔡侯

云文侯申生景侯固固生靈侯般般生隱太子今昭侯

申是隱太子之子杜世族譜亦然計昭侯是文侯玄孫

乃與高祖同名周人以諱事神二申必有誤者俱是經

文未知孰誤注正義曰公孫辰公孫姓公孫霍雖竝是

弑君之黨而非弑君之首首是公孫翩翩賤故稱盜不

言弑其君者賤此盜也盜賤不得有其君故以盜為文

不得言弑其君蔡公孫辰出奔吳注弑君賊之黨故書名

葬秦惠公注無傳

宋人執小邾子注無傳邾子無道於其民故稱人以執

夏蔡殺其大夫公孫姓公孫霍注皆弑君黨音義

姓音生又

作生或一音性

晉人執戎蠻子赤歸于楚注晉恥為楚執諸侯故稱人

以告若蠻子不道於其民也赤本屬楚故言歸音義

恥為

于偽反

城西郭注無傳魯西郭備晉也

六月辛丑亳社災注無傳天火也亳社殷社諸侯有之

所以戒亡國音義

亳步疏

注正義曰傳例曰天火曰災知天火也殷有天下作都于

亳故知亳社殷社也蓋武王伐紂以其社班賜諸侯使各各立之所以戒亡國也其社有屋故火得焚之公羊傳曰蒲社者何亡國之社也社者封也其言災何亡國之社蓋揜之揜其上而柴其下穀梁傳曰亳社者亳之社也亳亡國也亡國之社以為廟屏戒也其屋亡國之社不得達上也說者以為立亳社於廟門之外以為屏蔽使人君視之而致戒也左傳稱間于兩社事當為然郊特牲亦云喪國之社屋之不受天陽故災其屋也

秋八月甲寅滕子結卒注無傳同盟於臯鼫

冬十有二月葬蔡昭公注無傳亂故是以緩

葬滕頃公注無傳

傳四年春蔡昭侯將如吳諸大夫恐其又遷也承注

承音懲蓋楚言音義

懲直疏注正義曰懲創往年之遷恐其更復遷徙承懲

音相近蓋是楚人之言聲轉而字異耳

公孫翩逐而射之入於家人而

卒注翩蔡大夫音義

翩音篇射食亦反下同

疏

正義曰言將如吳已適吳矣翩

在路逐而殺之遂入于凡人之家言此者說其非理之意

以兩矢門之衆莫敢進

注翩以矢自守其門文之錯後至注錯蔡大夫音義

錯音措又音皆又客駭反

曰如牆而進多而殺二人注併行如牆

俱進音義

併步頂反

錯執弓而先翩射之中肘錯遂殺之

故遂公孫辰而殺公孫姓公孫盱注盱即霍也音義

中丁仲反肘竹九反盱况于反

○夏楚人既克夷虎注夷虎蠻夷叛

楚者乃謀北方左司馬販申公壽餘葉公諸梁致蔡

於負函注三子楚大夫也此蔡之故地人民楚因以

為邑致之者會其衆也音義

販普版反字林匹茲反葉始涉反函音咸

致

方城之外於繒關注負函繒關注皆楚地音義

繒才陵反

曰

吳將汧江入郢注逆流曰汧音義

汧音素郢以井反又以政反

將

奔命焉為一昔之期襲梁及霍注偽辭當備吳夜結

期明日便襲梁霍使不知之梁河南梁縣西南故城

也梁南有霍陽山皆蠻子之邑也單浮餘圍蠻氏蠻

氏潰注浮餘楚大夫音義

單音善潰
戶內反

蠻子赤奔晉陰

地注陰地河南山北自上雒以東至陸渾音義

渾戶
門反

司馬起豐析與狄戎注楚司馬販也析縣屬南鄉郡

析南有豐鄉皆楚邑發此二邑人及戎狄音義

析星
歷反

注以臨上雒左師軍于菟和注菟和山在上雒東也

音義

徒 范音

右師軍于倉野注倉野在上雒縣使謂陰

地之命大夫士蔑注命大夫別縣監尹音義

監古疏

注正義曰陰地者河南山北東西橫長其間非一邑也若是典邑大夫則當以邑冠之乃言陰地之命大夫則是特命大夫使總監陰地故以為別縣監尹也以其去國遙遠別為置監楚官稱尹故以尹言之

曰晉楚有盟好惡同之若將不廢寡君之願也不然將通於少習以聽命注少習商縣武關也將大開武

關道以伐晉音義

少詩照反又如字

士蔑請諸趙孟趙孟曰

晉國未寧安能惡於楚必速與之注未寧時有范中

行之難音義

難乃旦反

士蔑乃致九州之戎注九州戎在

晉陰地陸渾者將裂田以與蠻子而城之注以詐蠻

子且將為之卜注卜城音義

為于偽反下注同

蠻子聽卜遂

執之與其五大夫以畀楚師于三戶注今丹水縣北

三戶亭音義

畀必利反與也

司馬致邑立宗焉以誘其遺民

注楚復詐為蠻子作邑立其宗主音義

復扶又反

而盡俘

以歸○秋七月齊陳乞弦施衛甯跪救范氏注陳乞

僖子弦施弦多音義

跪具委反

庚午圍五鹿注五鹿晉邑

九月趙鞅圍邯鄲冬十一月邯鄲降荀寅奔鮮虞趙

稷奔臨注臨音邑音義

降戶汪反

十二月弦施逆之遂墮

臨音義

墮許規反

疏

正義曰稷初奔臨欲據臨距國今弦施逆稷欲納之他邑以臨險固故毀

之國夏伐晉取邢任樂逆時陰人孟壺口注八邑晉

地樂在趙國平棘縣西北鄙即高邑縣也路縣東有

壺口關音義

邢音刑任音士樂力官反鄙呼洛反郭璞三蒼解詁音臞字林火沃反韋昭呼

告反關駟云讀磽確同時音止孟音于

會鮮虞納荀寅于柏人注晉邑

也今趙國柏人縣也弦施與鮮虞會也

經五年春城毗注無傳備晉也音義

毗頻夷反

夏齊侯伐宋注無傳

晉趙鞅帥師伐衛

秋九月癸酉齊侯杵臼卒注再同盟也音義

杵昌呂反
臼求又反

疏

注正義曰襄二十五年崔杼弑莊公而立杵臼昭二十六年盟于鄆陵定四年于臯鼫是再同盟也昭三

十二年大夫盟于狄泉未告公而公薨故不數也

冬叔還如齊

閏月葬齊景公注無傳

傳五年春晉圍柏人荀寅士吉射奔齊初范氏之臣

王生惡張柳朔言諸昭子使為柏人注為柏人宰也

昭子范吉射也音義

惡烏路反下同柳良久反

昭子曰夫非而讎

乎對曰私讎不及公注公家之事也音義

扶夫音

好不

廢過惡不去善義之經也臣敢違之及范氏出注出

柏人奔齊音義

好呼報反去起呂反

張柳朔謂其子爾從主勉

之我將止死王生授我矣注授我死節吾不可以僭

之遂死於柏人注為吉射距晉戰死音義

僭子念反後同為子

偽反○夏趙鞅伐衛范氏之故也遂圍中牟注衛助范

氏故也○齊燕姬生子不成而死注燕姬景公夫人

不成未冠也音義

燕於賢反冠古喚反

諸子鬻姒之子茶嬖注

諸子庶公子也鬻姒景公妾茶安孺子音義

鬻音育姒音似

茶音舒又音徒又文加反嬖必計反

諸大夫恐其為太子也言於公曰

君之齒長矣未有太子若之何公曰二三子閒於憂

虞則有疾疾亦姑謀樂何憂於無君注景公意欲立

茶而未發故以此言塞大夫請音義

長丁丈反閒音閒又音間廁之

間又如字疾勅覲反本疏正義曰公謂羣臣云若間
或作疹乃結反樂音洛暇於憂虞謂國無憂虞事

得閒暇則恐有疾疾不得歡樂今既無
憂虞又無疾疾亦且謀樂何憂乎無君公疾使國惠

子高昭子立荼注惠子國夏昭子高張寘羣公子於

萊注萊齊東鄙邑音義寘之政反羣或
作諸萊音來秋齊景公卒

冬十月公子嘉公子駒公子黔奔衛公子鉏公子陽

生來奔注皆景公子在萊者音義黔巨廉反又音
琴鉏仕居反萊

人歌之曰景公死乎不與埋三軍之事乎不與謀師

乎師乎何黨之乎注師衆也黨所也之往也稱諡蓋

葬後而為此歌哀羣公子失所音義

與音預下同
理亡皆反

疏

注正義曰師衆之往釋詁文也周禮五百家為黨言其共居一所故以黨為名是黨為所也經書閏月葬齊景公長歷閏十一月禮葬乃有諡此歌稱諡明是葬後傳言冬十月者記公子出奔之月其萊人之歌在公子出奔之後杜以文承十月之下故云蓋耳公羊以為喪以閏數謂通數閏月穀梁云不正其閏也謂喪事不數左氏無傳未知所從

○鄭駟秦富而侈嬖大夫而常陳

卿之車服於其庭鄭人惡而殺之子思曰詩云不解

于位民之攸暨注子思子產子國參也詩大雅攸所

也暨息也音義

侈昌氏反又尺氏反惡烏路反解佳賣反暨音許器反

疏

正義曰詩

大雅嘉樂之篇也言在上者不解情于其位民之所以得安息駟秦棄位僭上是情于位也

不守

其位而能久者鮮矣商頌曰不僭不濫不敢怠皇命以多福注僭差也濫溢也皇暇也言駟秦違詩商頌

故受禍音義

鮮息淺反濫力暫反濫音逸

疏

正義曰商頌殷武之篇歌成湯之德不僭

差不濫濫不敢怠情而自暇以此之故上天命以多福也詩於怠皇之下更云命于下國封建厥福傳言命以多福不復具引詩文取其意而言之也杜云違詩商頌上言詩下言頌以駟秦於此二詩皆違故言違詩與商頌

春秋左傳注疏卷五十七

春秋左氏傳注疏卷五十七考證

楚子陳侯隨侯許男圍蔡疏則是楚封元公為許男也

○元公監本訛作近公今改正

傳邑諸綸○

臣召南

按後漢郡國志梁國虞有綸城少

康邑

傳能布其德而兆其謀以收夏衆撫其官職○金履祥
曰夏衆即帝丘二斟之遺民靡收二國之燼亦其助
也官職夏之士大夫播遷者若遺臣靡之類是也

傳而越大於少康○臣召南按伍員所以引夏少康之

事者以越為少康之後也會稽之甲循五千大于一
成一旅多矣

傳取棘蒲○臣召南按杜氏不注棘蒲所在漢功臣陳

武封棘蒲侯注家亦不知所在也

蔡遷于州來○臣召南按州來即漢之下蔡縣也地理

志云沛郡下蔡故州來國為楚所滅後吳取之至夫
差遷昭侯於此後四世侯齊竟為楚所滅

傳克敵者上大夫受縣下大夫受郡注千里百縣縣有四郡○千監本訛作十今改正

又疏縣有四郡則郡方五十里○臣召南按古者縣

大郡小以縣統郡此文是也至戰國以後乃更以郡統縣杜佑通典曰春秋時縣大郡小至戰國則郡大而縣小故甘茂曰宜陽大縣其實郡也

傳下卿之罰也○臣召南按此役簡子將兵必已為上

卿故其自誓以下卿之罰

傳孔子在陳聞火曰其桓僖乎○臣召南按漢書五行

志曰董仲舒劉向以為此二宮不當立違禮者也桓季氏之所出僖使季氏世卿者也是服虔所本以為說也

傳趙鞅以為討○臣照按長弘王室大夫有志于強王

室即右范氏趙鞅焉得而討之周人殺長弘以說于晉不競甚矣而其時君子以長弘為自取謂為違天大義之不明如此然三年化碧忠血猶存使後世莫

不知其為忠則春秋之教也使後世知長弘之事云
何時人之論長弘云何則左氏之功也後儒每以其
時繆悠之論屬之邱明不知邱明紀事者也非斷事
者也

傳趙鞅殺士卑夷惡范氏也○臣召南按卑夷即知韓

魏所欲以代范氏者也使知躒猶在鞅必不敢殺卑
夷傳于定哀間記事甚略是以知躒之卒知瑤之代
皆無明文

宋人執小邾子注邾子無道于其民○推尋文義應作小邾子無道于其民各本俱脫一小字

傳為一昔之期○昔監本訛作備今改正

傳使謂陰地之命大夫士蔑注命大夫別縣監尹○臣

召南

按注不過言蔑以命大夫監治陰地耳非從楚

之官名為尹也尚書立政曰三亳阪尹此監尹之說也孔疏楚官稱尹故以尹言之謬矣晉大夫肯從楚官名乎

傳諸子鬻似之子荼嬖○史記齊世家作寵妾芮姬生

子荼

春秋左氏傳注疏卷五十七考證